

STORACLES OF PROPHECY

Gamlak-a Kiko Aw

Matthew 3:1-12

Ta-ang Thu . . .

Zeisu in, "Numei sunga suak mi khempeuh lakah tuiphum John sanga alian zaw mi khat beek aom kei hi." ci hi Matthew 11:11. Hih Zeisu in kamsangte lakah alian penpen acih amah guak atangteen pa thu ih bangci theih hiam?

Judah gam gampalakah John in thugen hong kipat ciangin, gamlapi panin mite hong pai-in hih avanglian, alaulo, akiniamkhiat thupuakpa thugen hong ngai uh hi. Tua hun lai a biakna makai te tawh kilamdang mahmah hi. A nuntaakna siangtho iin thumaan hi. Siampite in puan manpha pipi leh ahoih mahmah te silh uha, John in kala-oh mul tawh kigan puan silh iin savun kawnggak gak hi. Amau te in pawl abawl laitak-un, John in anta-ang ahikeh locust akici (carob pods) bee leh gamlak khuaisu te ne hi. Pasion Khasiangtho tawh akidim theih nadingin amah in lenggahzuu ahi zongin a kibilh zuu nam tuamtumate ahi zongin dawn lo hi (Luke 1:15). John in a thuhilh nadingin, kikhopna inn hoih te sangin gunpang khawng leh mualkuam khawng tel zaw hi. Mite kidong uha, "hih pa Elijah ahi ding hiam!" ci uh hi.

John in Laisiangtho Lui lai-a kamsangte puan silh mah bangin silh a, ahih hangin amah Elijah hilo hi. Gabriel vantungmi in a nu leh pa kiangah asuah mapek iin hong pianzia ding gen khin a, "Topa adingin mite a baihsa-a, a koikhoh dingin Elijah kha le vangliatna tawh Topa mai-ah a pai ding hi," Luke 1:17 a ci hi .

John thupuak in Elijah ngah Khasiangtho vangliatna mah tawh kibangin Pasion mite lakah khamlawhna aom nading nasep ahi hi. Asep bulpi in mawhna pan kisikkik na leh Zeisu a khat veina hong pai ding ahih manin mite kiginkholhsakna ahi hi.

Laisiangtho in ni nunungni ciang Elijah leh thuphum John galkap te khempeuh in amau sep mah tawh kibang Zeisu nih veina hong pai ciang mite kiginkhol sa-a aom theih nadingun na hong sem ding uh hi ci hi. "Ngai un, a lahuuai mahmah TOPA ni lian hong tun ma-in kamsangpa Elijah kong sawl ding hi." Malachi 4:5. (ZIV) (Joel 2:28-31 zong na sim in.)



© Pacific Press

AMAZING FACTS

Thu Sinna

Laisiangtho na sim khitciangin a awng munte behlap in.

1. Khasiangtho-kidim John nuntaakna ii thusim in bang hiam?

Luke 3:16 John in "Note tui sungah ka hong phuum hi. Kei sangin alian zaw pa khat hong pai ding hi ama khedap khau sut dingin zong ka _____ kei hi.

John 3:30 Tua Pa in lian seemseem ding a, kei ka _____ seemseem ding hi.

Phawk Ding: Khasiangtho-kidim Tuiphumpa John nuntaakna in a lamdang kiniamkhiatna hi. Amah in a thuhilh mah bangin anuntaakna zong Pasion tungah kipumpiakna nei hi. Aman angsung khual lo a, midangte Zeisu kiangah apuak pen ama lungnopna bulpi ahi hi. Asep khempeuh Pasion min thansak nading bekbek ahi hi.

2. Tuiphumpa John in Laisiangtho asim hiam?

John 1:23 John in _____ Isaiah in agen bangin, Topa painang lam na tang sakun, ci in gampa lakah a _____ ka hihi, aci hi.

Phawk Ding: Sim mah hi! Laisiangtho len taktak hi cih theih nadingin John in Laisiangtho Lui na man hi. John in anungzuite antan ding leh thunget ding zong hilh hi ci-in Laisiangtho in hong gen hi (Matthew 9:14). Hih pen Pasion a lungsim takpi tawh it hi cih akilatna dang khat zong ahi hi. Tua bangmah in eite in zong mimal ki-apna leh Laisiangtho simna tawh Pasion thei a, it a, Ama Khasiangtho ih ngah theih nading ahi hi.

3. Tuiphumpa John in Zeisu thu teci pan ding a lunggulh hiam?

John 1:29 Zingsang ciangin Jesu hong pai _____ in amuh ciangin, _____, Leitung mawhna apuakhia Pasion Tuuno!

Phawk Ding: John pen gamlakah ate'ng khat ahi hi (Luke 1:80). Zeisu in Leitung mite gumkhia ding pa hicih mite tungah alahnop manin haksatna thuak ding leh sihna nangawn thuak dingin a nuntaakna kiphah hi. Tua mah bangin tuni-in Topa a it takpi te in launa leh gualnopna te nusia-in Zeisu teci hi ding uh hi.

4. A thutang John thuhilhna gamuk te leh biakna makai te lakah akipaakta hiam?

Luke 7:30 Farisi mite leh Thukham hilh siate in Pasion' deihna _____, ... tui kiphum ding utlo uh hi.

Luke 3:19, 20 Gam ukpa Herod ... a gamtat hoihlohna ... hangin ... Herod in _____ sungah Johan khia hi.

Phawk Ding: John in hangsan takin ama hun lai-a akilangh mawhna abawlte uh langpan in genkhia a, biakna maikaite aa nangawn kawkkhia hi. Ni nunungni cianga kisikkikna leh sianthona dinga Pasion thupuak zong akipaakta gam makai te leh pawlpi makai te a tam zaw in deih hetlo ding uha, ahizongin Laisiangtho tawh kituak thupuak hi ding hi.

5. Laisiangtho in akizem lua puan, zungbulh, khi, leh tau cihte bulh ding a-awi kei hiam?

1 Timothy 2:9 Tua mah bangin numeite [pasal te zong ee] zong a _____ ... bekin kizemin kipuahin, samphek ahi zongin, _____, kep manpha te zangh loin, ...

1 Peter 3:3 Na mel kilawmna uh _____ kizepna: samphekte le ngun le kham le puan hoihte tawh _____ pan hi _____ hen. Tua sangsikin, Pasion muhna ah nakpitaka a manphazaw, a tul thei lo hoihna, sunglam hinna, lungnemna le cinghkamna tawh na kizem zaw un.

Isaiah 3:18-21 Tua ciangin Topa in _____ hoihte, lutuam leh khade lim tawh a kibang kizepnate; _____ tualte, _____, leh mai sitnate; lukhute, banbulhute, kawngten'te, paknamtui bungte, leh a kivom aite; min gelhna _____ leh nakbuhte;

Phawk Ding: He Awilo! John in puan manpha pipi te silh lo-in, akilawm puan--Christian te zuih theih ding te silh hi. Tuhun a puansilh uanglua, zahmawh dawktak a puan silhna te in ze-etna lian khat ahi hi. Pasion in thaangippi peuh, mawngkhak peuh silh ding hong deihsak hilo hi; aman tamlua, atomlua, akigak lua, zahmawh dawktak taka puansilhna te pen Christian te silh ding hilo hi. Kham tawh kizepna zungbulh, tau, bilbah cihte Leitung mite in adeih mahmah hangun, Laisiangtho tawh kilehbulh vanzat te ahi hi. **Isaiah 3:18-23** sunga agen te bang van hiam cih zong na thei khin kei kha phial ding hi, ahih hangin Leitung mi pawlkat in zang uh hi. Hih milim bia te zat teng pen Nitumna lam tengin ngeina iin hong zang ta uh hi.

6. Khasiangtho-kidim John nuntaakna leh a neek adawn te a kizopna aom hiam?

Luke 1:15 Amah in _____ tui leh zu neukha beek dawn lo in, anu gil sung pan akipan _____ tawh akidim ding hi.

Phawk Ding: Christian te khempeuh in Pasion' Khasiangtho hopihna zak theih nadingin lungsim azingsak thei guitheih khamtheih khempeuh zat hetloh ding ahi hi (Paunak 23:31, 32; Habakkuk 2:15; 1 Peter 5:8).

7. Bang hangin Pasion in ih neek ih dawn hong awlmawh hiam?

Thukhente 13:7 En in, nang gai-in tapa khat na nei ding hi. Tua ahih ciangin ... khamtheihzu ahi zongin ne kei in la, a _____ ne kei in. Bang hang hiam cih leh naupang pen a suaha kipan a sih dong Pasion' tungah Nazir mi hi ding hi.

1 Corinthians 6:19 Na _____ uh, Pasion in a hong piak, note' sungah a teng Kha Siangtho' _____ ahih lamtak theilo na hi uh hiam? Note' pumpi, nomau' neihsa hilo a, Pasion-a' ahi hi.

Phawk Ding: Ih khuak ciimna, ze-etna nanzawhna cih te leh sia leh pha khentel theihna cih te pen ih neek ih dawn tawh kisai pha mahmah hi. Christian peuhmah in—ih neek ih dawn te akipan—ih sepna khempeuh ah Pasion min ih thansak ding ahi hi (1 Corinthians 10:31).

8. Leitung vai gamtatna te Laisiangtho in bangci gen hiam?

James 4:4 Leitung tawh kipawl mi peuhmahin _____
_____ a suak hi.

2 Corinthians 6:17 Tua mite lak pan paikhia un la, _____
in om un. A sianglo peuhmah na lawng kei un. Note Pasion ka hi
dinghi. Note zong ka tanu ka tapa na hi ding uh hi.

1 John 2:15 _____ a-it misungah Pasion' itna aom
_____ hi.

Romans 12:2 Hih _____ deihna tawh kizui-in na gamta nawn
kei unla, na lungsim uh _____ na kipumkhel un. ... Pasion deihna
bang ahi hiam, cih khentel thei-in na pakta thei ding uh hi. (ZIV)

Phawk Ding: Zeisu nih veina hong pai ciang kigingkhoh-a om theih nadingin midang
te huh a, etteh thamcinga a nungta dingin tuni-in Topa in Ama mite hong sam hi.

9. Christian khat in ngaihsut dingin bang thu teel huai hiam?

Philippians 4:8 A nunung penin sanggamte aw, a _____
peuhmah, a zahtakhuai peuhmah, a dik peuhmah, a
_____ peuhmah, a ithuai peuhmah, a pahtakhuai
peuhmah, na khatpeuh a _____ pen hi-a, a phattak nak
leh tua bang nate na ngaihsun un.

Late 101:3 A sia na khatpeuh ka _____
_____ ding hi. (ZIV)

Phawk Ding: Tuiphum John in ngongtatna nam khempeuh pelh dingin thupia hi
(Luke 3:14). Tua te lakah, cimphawng-a ngongtatna nam tuamtuam te etna zong kihel
hi. Zeisu in nulehpa mawhna leh ngongtatna te pen lunggulhna leh ngaihsutna pan
kipan hi ci hi (Matthew 5:22, 28). Tua ahiah manin, Christian te in ngaihsut hoihlo
hong guan thei TV etna, video etna te leh lai hoihlo simna te pelh ding ahi hi.

10. Christian taktak te zat ding bang music nam te hiam?

Late 40:3 Ka kam ah _____ khat hong
guan a, eite' Pasion phatna biakna-la khat ahi hi. (ZIV)

1 Samuel 16:23 Saul tungah Pasion kiang pana kha a tun simin
David in a _____ la-in a tum hi. Tua ciangin Saul
_____ a; amah nuamtuamin kha gilo in amah a nusia hi. (ZIV)

Phawk Ding: Ih theih kim ahi, mi a tamzaw deih Leitung-a music minthang te in
khalam adingin phattuumna pialo bek thamlo-in vantung nate lunggulhna susia-in
khalam nuntaakna kiamsak hi. Ahiah hangin, hoihna dingin music in genzawhloh iin
vanglian hi. Saul Kumpipa dawu gilo in abawlsiat lai-in David in a zaknop harp music
a tum ciangin a lungsim nosuah kik a, a sung pan dawu gilo kihemkhia hi.

11. Christian tadingin laamna in ahoih kilawpsuahna ahi hiam?

1 John 2:6 Ama sungah ka om hi, aci mi in _____
gamtat bangin a _____ ding hi.

Titus 2:12 Biakna tawh a kituaklo thute leh _____
nate deihna phiatin, lungsim hi hithiatin omin, thutangin, hih Leitungah
_____ deihna bangin i nuntakna dingin tua hehpihna thu in eite
hong hilh hi.

Phawk Ding: Tuhun a laam minthang a tamzaw te in Leitung vai music te tawh
kikop-a nulehpa kilunggulhna piangsak hi. Eite in, "Zeisu hi leh ahiah ding hiam?"
cih ih kidot ding ahi hi. Ih pumpi vei ngiamngiam a, khe leh khut atah tawh kituak
a tahna te ih Honpa in khaam lo ding hi ci-in a kithukim dingin ka ngaihsun hi.

12. Christian te in sumkitah [thi] (lottery) te ih kimawl ding hiam?

1 Timothy 6:10 Ahang in, _____ in siatna namkim
bulpi ahi hi. Mi kimkhatte in sum deih lua-in tua upna pan pialkhia uh
a, _____ tampi-in amau le amau a kisunlet uh hi. (ZIV)

2 Thessalonians 3:10 Mi khat in na a _____ kei leh an ne
kei hen.

Paunak 28:20 A muanhuate thupha tampi kipia dinga _____
a _____ dan tuak loin a om kei ding hi. (ZIV)

Phawk Ding: sumkitah (thi) kimawl na pen zatui tampi asuai tawh kibang hi. Pawlkhat
in innkuan bup ii sum khol teng casino ah ahikkeh thi (lottery) leina in zang bei hi. "A
hau pak" a tamzaw in sum kholsiam lo-in, mawk zat a, mawk beisak veve hi.

13. Tunin-in Pasion mite mungtup bulpi dingin bang hi ding hiam?

1 John 3:22 Ama thupiaknate _____ in ama _____
dingin gamta ihiah manin ... i nget peuhpeuh i ngah hi.

Thuhilhisia 12:13 Pasion kihta inla a thupiakte zui in, ahang in, mihing
_____ ding buppi hih ahi hi. (ZIV)

Phawk Ding: Mi khat ut banga gamta dingin Pasion gam tung veve ding ih
bang hitheilo hi. Zeisu in ih etteh dinga—asiangtho nuntaak zia hong lahna in
leitunga hong paina ahange lakah khat ahi hi (1 Peter 2:21).

14. Hih thusinna sunga ih kikap, ih nuntaakna sungah bangin Pasion thu hong mang nuamsak ding hiam?

John 14:15 Kei nong _____ uh leh ka thupiakte na zui ding uh hi

1 John 5:3 Pasion i it ciangin ama thupiakte a zui ihi hi. Eite-a' dingin
ama _____ zuihding a _____ lua hilo hi.

Late 40:8 Nangma deihna ka sem nuam hi; ka Pasion aw; nangma
_____ ka _____ sungah a om hi," ka ci hi.

15. Bang hangin Christian nuntaakna hizahta hong kikal hiam?

1 Peter 2:9 Ahi zongin note pen Pasion in a hong _____
minam, Kumpi siampi pawl, a _____ minam, Pasion' mite
na hi uh a, khuamial sung panin a lamdang mahmah ama khuavak
sungah a hong samkhiapa' nasepna a lamdangte a _____
dingin Pasion in a hong teel mite na hi uh hi.

Phawk Ding: Zeisu ading palai, Christian te pen Leitung mite tawh akibang lo dingin
hong kizam hi! Tuiphum John in Zeisu hong pai masakna ah mite akiginkholh theih
nadingin huh hi. Tunin-in zong Zeisu nih veina hong pai ding ahiah manin mite a
kigingkholsak ding leh a siangtho-a a nungta dingin Pasion in Ama mite hong sam hi.

Nang Dawnna

"Gamalak-a kiko aw" mah bangin Zeisu nih veina hong pai nading akilawm
Pasion deih nuntaakna tawh teci ahi ding na lunggulh hiam?

DAWNNA: _____

Hilhcianna

Hih anuai-a te in telbeh nadingin hong huh ding hi.

Zeisu Christ ading Palai te

Mi khat Christian hong suah ciangin, a hoih pen kumpi gam pan-a palai
dinga kiguang ahi hi. "Tu-in eite khempeuh in Zeisu palai semte ih hi hi." ci
in Laisiangtho in gen hi 2 Corinthians 5:20.

Palai akhiatna tongdot sungah enleng, "gam khat in amau gam ai-awh dinga
asang pen dinmun-a atel a hun ciangtan sung gam dang khat ah aom sak uh"
ci-in a khiatna let hi.

Leitung gam vai adingin palai te a thupit mahmah bangin khalam adingin
zong thupi mahmah hi. Vantung gammi hihna in Leitunga gammi hihna tawh
kibang lo hi. Eite pen Zeisu in kua hi a, Amah abangci mi cih Leitungah a
pulaak dingin hong kisawl ahi hi. Khasiangtho tungtawnin eite Zeisu
sawltakte i hi-a—ih sep ih bawl, ih neek ih dawn, leh ih silh ih ten te
khempeuh tawh Ama lim leh meel akilangh sak ding te ihi hi. Adang khat iin
gen leng. Khalam Pasion' gammi suak a eite palai ihiah ciangin Pasion' gammi te
nuntaakzia banga ih nuntaak ding ahi hi. 2 Corinthians 3:18 sungah, "Topa
Khasiangtho vangliatna tawh eite in minthanna leh vangliatna anei pumpi ihiah
theih nadingin ih kikhel ding ahi hi." ci-in Laisiangtho in gen hi.

Tuni-in a Pawlpi, eite in hih Leitungah Zeisu khut leh khe, amit leh akam
ihi-a abil zong ihi hi. Eite Christ pumpi ihi hi (Ephesians 1:22, 23; 5:29, 30;
Colossians 1:18). Vantung a kahto ma-in Zeisu in, "Ka Pa in kei hong sawl
bangin note zong ka hong sawl hi." ci hi John 20:21.

Ih gamtat luheek khempeuh in Zeisu nuntaakna leh a pumpi alanghsak
ahiah ding kizam hi. "Mite in na gamtatna pha uh amuh ciangin vantunga om
na Pa uh min na thansak nadingun, na khuavak uh mite mai-ah na tangsak
un." Matthew 5:16.